



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCXVIII. ad annum MCLXXIX.

**Parisiis, 1644**

Epistola XLIII. Alexandri Papae III. Ad Monachos Cantvariensis Ecclesiae.  
De canonizatione sancti Thomae Cantuariensis.

**urn:nbn:de:hbz:466:1-15588**

stræ per apostolica scripta mandamus , quatenus infra  
mensem , postquam iidem nuntii ad propria redierint ,  
de aduentu legatorum nostrorum , quos ad partes illas  
pro cognoscenda atrocitate illius facinoris & sceleris ,  
quod perpetratum est , & reconciliatione regis , disposui-  
mus transmittere , quod transalpinauerint vobis non in-  
notuerit : eos publice , recepto iuramento secundum mo-  
rem ecclesiæ , quod nostro debeat astare mandato , ab  
excommunicationis vinculo absoluatis , sententia suspen-  
sionis ob eam causam , qua fuerant ultimo in excommu-  
nicationem deducti , in suo robore permanente . Si au-  
tem vobis constiterit , quod Saresberiensis episcopus mor-  
bo laborans ad vos venire non possit , illuc in propria per-  
sona , quod nobis placeret , accedatis : aut si accedere  
non poteritis , personas idoneas , de quibus nos & vos  
confidere valeamus , transmittatis , quæ illum , recepto  
iuramento publice in conspectu ecclesiæ , quod nostro  
debeat parere mandato , absoluant . Si autem huic rei ,  
frater archiepiscopi , interesse non poteris , tu , frater epi-  
scope , ipse cum Pontiniacensi abbe quæ dicta sunt di-  
ligentius exequaris . Data Tusculani octauo Kalendas  
Maii .

## EPISTOLA XLIII.

## ALEXANDRI PAPÆ III.

AD MONACHOS CANTVARIENSIS ECCLESIAE.

De canonizatione sancti Thomæ Cantuariensis.

*Alexander episcopus seruus seruorum Dei dilectis filiis Priori  
& monachis Cantuariensis ecclesiæ salutem  
& apostolicam benedictionem.*

**G**AUDENDVM est vniuersitati fidelium de mirabilibus  
illius sancti & reuerendi viri Thomæ archiepiscopi  
vestri . Sed vos exinde tanto ampliori gaudio & exulta-  
tione debetis repleri , quanto ipsius miracula oculata fide  
sepius intuemini , & eius sanctissimo corpore ecclesia  
vestra specialius meruit illustrari . Nos autem considera-  
ta gloria meritorum eius , quibus in vita sua magnani-  
miter claruit , & de miraculis eius non solum communi &

*Concil. Tom. 27.*

Pp ij

celebri fama, sed & dilectorum \* filiorum nostrorum Al-<sup>fratrum</sup> berti, tituli sancti Laurentii in Lucina, & Theodini tituli sancti Vitalis, presbyterorum cardinalium, apostolicæ sedis legatorum, & aliarum plurium personarum testimonia certitudinem plenam habentes præfatum archiepiscopum in capite ieiunii, multitudine clericorum & laicorum præsente, in ecclesia, deliberato cum fratribus nostris consilio, solenniter canonizauimus; eumque decreuimus sanctorum martyrum collegio annumerandum: vobis & vniuersitati fidelium de Anglia apostolica auctoritate mandantes, ut natalem eius diem, quo vitam suam gloria passione finiuit, annis singulis cum debita veneratione celebretis. Quoniam igitur dignum est, & vobis plurimum expedit, ut sanctum corpus eius cum ea, quæ decet, reuerentia & honore condatur; discretioni vestre apostolica auctoritate mandamus, quatenus corpus eius, devote & reuerenter, facta solenni processione, aliquo solenni die, congregato clero & populo, in altari honificice recondatis: aut ipsum in aliqua decenti capsâ ponentes, prout conuenit, eleuetis in altum; & patrocinium eius pro salute fidelium & pace vniuersalis ecclesiæ satagatis apud Dominum vestris piis orationibus impetrare. Valete. Datum Signiæ quarto Idus Martii.

EPISTOLA XLIV.  
ALEXANDRI PAPÆ III.  
AD OMNES FIDELES.

*De canonizatione eiusdem.*

**R**EDOLET Anglia fragrantia & virtute signorum, quæ per merita illius sancti & venerandi viri Thomæ quondam Cantuariensis archiepiscopi omnipotens Deus operatur, & vniuersa vbiique latatur fidelium Christiana religio, pro eo quod ille, qui est mirabilis & gloriosus in sanctis, sanctum suum post mortem clarificauit, cuius vita laudabilis multa fulsit gloria meritorum, & tandem martyrio consummata est certaminis gloriosi. Quamuis autem de sanctitate ipsius dubitare non possit, qui eius & laudabilem conuersationem attendit, & gloriosam considerat passionem, voluit tamen Redemptor atque Salua-